

## ■ CONVIVENZA

## Jau digeresch gist mes tscharvè

DA VIOLA PFEIFFER\*

En la mar viva in animal fitg interessant che ha num ascidiae. Sco larva nota questa creatira dad in lieu a l'auter. Ella mangia plancton, filtescha aua, glischa cotschen e sautina tras la mar. Inscura ha quest animalet dentant avunda da la vita nomada. Lura sesa el sin in cural e cumenza en tutta ruassaivladad a digerir ses agen tscharvè.



pudess pia pensar ch'ils umans èn buns puncto tscherna da partenaris.

Jau sun da l'opiniun che l'ascidiae n'è gnanc uschè differenta da l'uman – almain da tscherts umans. Ma ella ha in grond avantatg visavi la carstgauradad. Fertant che umans ston tschertgar in'otra persuna per la reproducziun, na sto l'ascidiae betg sa tegnair si cun talas piparias. Ella po simplamain laschar crescer brumbels che sa separan dal corp e daventan novas larvas che nodan tras la mar.

L'uman ha dentant in grond problem. Perquai ch'el sto tschertgar in partenari adequat – e quai n'è enconuschentamain betg uschè simpel – dovra el in grond tscharvè. Ed era sche ses tscharvè n'è betg il pli grond dal mund (gliez è quel da la balena gronda cun ses nov kilos!), stat el almain sin plaz trais. Ins

Ma savens han ins l'impressiun che la digestiun dal tscharvè cumenza tar tscherts umans cun l'emprima eglia da sin in sixpack, in pèr tetta grossas u in sexy tgil. Ils ormons din: «Jau hai chattà quai ch'jau less. Tscharvè, jau na dovr betg pli tai!» Ed uschia sparescha il saun intelletg uman.


Cun quai n'èsi anc betg fatg. L'uman tschertga ussa ses «cural». E perquai ch'il tscharvè ha già cumenza a sa digerir, n'è l'uman betg pli capabel da prender decisiuns raziunalas. Uschia prendan umans si ipotecas, cumpran chasas senza pensar, portan cravattas e deupieças, fan pops e vacanzas cun pensiun cumplaina, voteschan per la PPS e cumenzan l'uschenumnada vita stabla.

El sa tschentan la fin finala en x-in gnieu, nua ch'il pli scandalus che capita è in retard dal pot, uschia ch'ins po leger la gasetta pir da las 10 enstagl da las 8. Ed els sesan en brios, nua ch'il pli interessant è il nov outfit da la secretaria da 60 onns. En lur stivas pendan maletgs cun la parola «Home sweet home» e vi da l'isch dal biro tatgan tavlettas cun l'inscripziun «P.pl. betg disturbar, jau digeresch gist mes tscharvè.»

Perquai che l'uman na vegn en questa situaziun mai confruntà cun novas stimulaziuns, degenerescha il tscharvè dal tuttafatg. Per spira lungurella cumenza l'uman a s'agitar da ses partenari da reproducziun ch'el ha tscherni senza gronda premura. Ma el na po betg pli mitschar.

L'ascidiae n'ha betg tals problems. Sper il fatg ch'ella è ina medusa e na po gnanc reflectar sia situaziun, n'ha ella nagin partenari che dat sin la gnerva e n'ha perquai era nagina raschun da scappar da ses cural. Tut en tut metta l'ascidiae pia l'uman levamain en giagli-offa. E sch'ella n'è betg morta, digerescha ella anc oz.

\*Viola Pfeiffer ha studegià germanistica, istorgia e rumantsch a l'Università da Turitg. Mintgatant lavura ella vi da sia dissertaziun e mintgatant sco scolasta, ma bunamain adina scriva ella.



Sentupada en Casa federala: Mariano Tschuur, il menader dil project «Remas», Georges Godel, president dalla Regenza da Fribourg, Dominique de Buman, president dil Cussegl nazional, Mario Pacchioli e Mario Cavigelli, il president dalla Regenza grischuna.

FOTO Y. KUSANO

## Treis padrins per «Remas»

■ (cp) Dacuort ein treis presidentes s'entupai cun Mario Pacchioli ella Casa federala a Berna: Numnadamein ils treis «padrins» da siu project cultural «Remas – poesias romontschas per cant, chor ed orchester sinfonic», Dominique de Buman, Georges Godel e Mario Cavigelli. L'in presidiescha uonn l'Assamblea federala, ils dus auters tgamunan lur regenzas dil cantun Fribourg, respectivamein Fribourg e Grischun. Igl ei stau Dominique de Buman che ha envidau a quella sentupada. Ils treis presidentes argumenteschan lur engascha-

ment per «Remas» suandontamein: «La Svizra viva da sia diversidad e multifariadad, gest el sector cultural. Da temps en temps basegna la societad muments da cuminonza, per sentir il communabel che stat lunsch sur quei che differenzieschanus. L'ovra da Mario Pacchioli va sur la Svizra romontscha ora. Grazia a siu project cultural «Remas» eis ei vegniu tier ina collavuraziun denter ils cantuns Fribourg e Grischun. Fribourg ei in cantun billing, il Grischun triling. Omisdus han vasta experientscha en damonda dalla plurilinguitad e tgiran quella

sensiblemein. Omisdus contribueschan aschia alla coesiun nazionala».

Igl atun 2017 ei cumpariu ella Chasa editura rumantscha il cudisch trilling «Remas» per romontsch, tudestg e franzos, accumpignaus d'in disc cumcompact cullas 18 cumposiziuns da Mario Pacchioli sin texts dalla lirica romontscha dil 19. e 20avel tschentener. Ils 25 e 26 da matg 2018 ein ils concerts a Fribourg ed a Cuera. Mario Pacchioli vegn accumpignaus dalla Kammerphilharmonie Graubünden e dil chor «La Chanson de Fribourg».

## ■ NOVITADS WWW.RTR.CH

## Vuorz: Hotel Ucliva n'è anc betg salvà

Il quint annual da la Corporaziun Ucliva mussa ina bilantscha negativa. La sperdita da bilantscha fa 614'280 francs; l'agen chapital munta a minus 315'649 francs. I saja stà in grev onn, di il president da la corporaziun Daniel Blumenthal da Vella. La situaziun finanziala saja stada fitg nauscha, di Blumenthal. Mo grazia al sustegn dals commembers da la Corporaziun Ucliva (cun donaziuns da 75'400 francs e cun signar scrits da participaziun per 48'600 francs) hajan els pudì manar vianavand l'hotel. Per megliar la situaziun finanziala han ins era decidì da laschar a tschains intginas chombras da l'hotel (durant 30 dis ad onn per 5 fin 10 onns). Vitiers vegn l'agid da la Banca chantunala grischuna e da la societad per credits dad hotel. Ellas desistan durant in onn da las amortizaziuns. Mo persunterer pretendan ellas che la corporaziun preschientia in concept, co ch'ins veglia megliar la situaziun finanziala. Era il post da revisiun fa attent a la situaziun da liquiditad critica. Dentant dovra la corporaziun daners per remplazzar il stgudament ch'è vegni installà il 1996. Tenor ina proposta duessi dar in stgudament cun pellets, e quel custass 300'000 francs. In aspect positiv è dentant ch'è reussi da manar l'hotel dapi l'avertura il zercladur 2017. Sco la directura Ursula Wilhelm ha ditg envers rtr veglia ella era posiziunari l'hotel sco lieu che porscha curs, seminaris ed arranschaments da cultura cun litteratura, musica ed art. Per promover questa idea han ins fundà il favrer passà l'uniun «Cultura Vuorz/Waltensburg».



Cussegliev guvernativ Christian Rathgeb ha dà l'incumbensa a la Procura publica grischuna.

FOTO RTR

## Procura publica è uss vi dal cas Quadroni

Uss sa fatschenta era la Procura publica grischuna cun l'arrestaziun d'Adam Quadroni, l'um ch'ha procurà che las cunvegns da pretschs en la branscha da construcziun èn vegnidas a la glisch. Quai ha instradà cussegliev guvernativ Christian Rathgeb. Cussegliev guvernativ Christian Rathgeb haja purtà plant cunter nunenconuschent, per laschar intercurir in'acziun di-

spitaivla da la polizia cunter Quadroni. Quai scriva la «NZZ am Sonntag». Scleri vegn sch'ils policists involvids han agi correct.

Gia enconuschent eri ch'il Departament da giustia lascha sclerir intern l'arrestaziun dispaiva da Quadroni. Tant il schef da departament Christian Rathgeb sco era il schef da la polizia Walter Schlegel han ditg ch'els stettian davos lur glieud.

## Brischament al Lag la Cauma

Grond donn da material tar in brischament d'ina ustaria d'asper il Lag la Cauma. Il vender di saira è arsa l'ustaria d'asper il Lag la Cauma a Flem. In pestgader ha infurmà ier enturn las 22.00 ch'è vegnià fim or dal tetg da l'ustaria. Ils radund 70 pumpiers da Flem e Trin han gi svelt

sut controlla il fiue. Uschia han els pudì evitar che quel è sa derasa sin il gaud. Cura ch'il fiue è rut ora n'era nagina en l'ustaria. La raschun dal fiue vegn anc examinada. Il donn da material è fitg grond, na possia dentant anc betg vegnir numerà, scriva la Polizia chantunala.

## Capricorns – attracziun cun duas varts

■ (rtr) Dapi in pèr onns sa repeta il fenomen che l'animal alpin riva pasculond fin a l'ur da la vischnanca. Quai ch'è per ils ins in'attracziun turistica, è per auters exagerà ed in disturbi da la natira. Puntraschigna emprova perquai dad attrair ed il medem mument da sensibilisar la glieud. Cura ch'ils prads vegnan verds en la val e la naiv cuverna anc la cuntrada fin tar il cunfin dal gaud, sa repeta il fenomen

dals capricorns adina puspè da primavaira. «Il retg da las Alps» sco l'animal vegn er adina puspè numnà, riva durant quel temp (per regla la fin d'avrigl fin cumenzament da zercladur) giu da la muntogna fin a l'ur da la vischnanca da Puntraschigna. Quai per chattar nutriment en furma dad erva frestga. Ina da las pli grondas colonias da capricorns en las Alps sa chatta al Piz Albris sin 3166 meters sur mar, gist sper

Puntraschigna. Tranter 30-50 animals sajan per il mument mintgamai da vesair. Tut dependent da l'aura e da la luna dals animals. Per gronda part èn quai bucs, causa che las chauras e lur ansiels restan sin distanza, pli ensi. Ch'ins na possia betg dir ch'ils capricorns sajan adina da las medemas uras al medem lieu, precisascha il guardiaselvaschina Daniel Godli. Impurtant saja ch'ils umans restian sin las sendas.

## ■ L'AURA

## Aura variabla

Situaziun generala: La Svizra sa chatta traner ina zona da pressiu bass sur la Mar mediterana ed ina zona da pressiu auta sur il Balticum. L'aura en Svizra è usscha plitost labila.

Oz: Per gronda part sulegliv.

En il decurs dal di adina pli nebli e cunter saira urizis ed uradis, cunzun en la Part sura bernaisa. Temperaturas la damaun tranter 8 e 13, il suentermezdi enturn 24 grads.

Prognosas: Mardi e mesemna l'avantmezdi per gronda part sulegliv, en il decurs dal di adina pli nebli e cunter saira urizis u uradis, 23-25 grads.

